

# Wulf Wagers wunderliche Weltbetrachtung

## Bier isch besser als a Frau

Bis am Sonntag goht jo no des Cannstatter Volksfescht. Des isch jo net bloß 's greeschte Schaustellerfescht von dr Welt, sondern es hot jo uf em Wasa au ganz ordentliche Feschtzelt.

Letzsch Woch' ben i mol dronta gwäa ond han mit meine Kamerada ordentlich Krüag em Feschtzelt g'lupft. Dodrbei hen mir en onsrer Männerrunde so a bissle über d' Fraua ond 's Bier räsoniert. Relativ schnell hemmr no zehn Gründe gfonda, warum Bier definitiv besser isch als a Frau:

Erschtens:  
Ma Bier isch 's egal wie mr fährt.

Zwoitens:  
A Bier hot koi Muadr.



Drittens:  
A Bier lässt di net da Müll naustraga.

Vierdens:  
Bei ma Bier woiß mr vorher, was' koscht.

Femfdens:  
A Bier hot koi Zellulitis.

Seggsdens:  
Mit ma Bier muass mr nie danza!

Siebdns:  
A Bier schmeckt emmr!

Achdens:  
A Bier sait net, dass Fußball bleed wär!

Neindens:  
A Bier sieht morgens genauso aus wie m Obend.

Zehndens:  
A Bier hot koin A'walt!

Liebe Fraua, ihr brauchat eich net aufrega ond schreiba. A ander mol goht's wieder gega d' Männer. I ben jo ausgewoga ...

Bis näggschd Woch'  
Ihr  
Wulf Wager